

DUMELA GO TŠWA PELONG



[Ngwanešu Branham o bala Jakobo 5:12 ge theipi e thoma—Mor.]

...ešita e sego ka keno e ka ba efe ye nngwe: eupša a nke ee ya lena e be ee; gomme aowa ya lena e be aowa; gore le se wele ka kahlolong.

*A go na le yo a tlaišegago magareng ga lena? a a rapele.
A go na le yo a thabilego? a nke a opele dipesaleme.*

A go na le yo a babjago magareng ga lena? a nke a bitše bagolo ba kereke; gomme a nke ba mo rapelele, ba mo tlotša ka oli leineng la Morena:

Gomme thapelo ya tumelo e tla phološa molwetši, gomme Morena o tla mo phagamiša; gomme ge a dirile dibe, o tla lebalelwaa.

Ipoleleng diphošo tša lena seng, gomme le rapelelane yo motee go yo mongwe, gore le fodišwe. Ka go re thapelo ye maatla ya tlhokofalo ya monna wa moloki e fonya kudu.

Eliya o be a le motho ka tlase ga diphisego boka re le, gomme o rapetše ka tiišetšo gore e se ne: gomme ga se e ne lefaseng lebaka la sekgoba sa mengwaga ye meraro le dikgwedi tše tshela.

Gomme o rapetše gape, gomme magodimo a file pula, gomme lefase la tliša pele kenywa ya lona.

Baena, ge e ka ba mang wa lena a phoša go tšwa therešong, gomme yo mongwe a mo fetola;

A nke a tsebe, gore yo a fetolago modiradibe go tloga go phošo ya gagwe ya tsela ya gagwe o tla phološa soulo go tloga lehung, gomme o tla fihla boati bja sebe.

² Ka go tema ya mafelelo ya Puku ya Mareka, tema ya 16, gomme temana ya mafelelo ya tema ya 16 ya Mokgethwa Mareka, re bala Mantšu a:

Ka morago, o bonagetše go ba lesometee ge ba dutše dijong, le go ba kgalema ka gosedumele ga bona le go thatafa ga pelo, gobane ga se ba dumela... yena yo a tsogilego go tšwa bahung.

Gomme o rile go bona, Eyang ka lefaseng lohle, gomme le rere ebangedi go sebopša se sengwe le se sengwe.

Yo a dumelago gomme a kolobetšwa o tla phološwa; eupša yo a sa dumelego o tla lahlwa.

*Gomme maswao a a tla latela bona ba ba dumelago;
Leineng la ka ba tla rakela bodiabolo ntle; ba tla bolela
ka maleme a maswa;*

*Ba tla swara disephente; gomme ge ba nwele selo sa go
bolaya, se ka se ba gobatše; ba tla Bea diatla go balwetši,
gomme ba tla welwa ke maruru.*

³ “Thapelo ya tumelo e tla phološa molwetši.” Bjale, ge re inamiša dihlogo tša rena ka thapelo, a rena bohole, mmogo, ka tsela ya rena, le monna yo mongwe le yo mongwe ka tseleng ya gagwe, a re rapeleng thapelo ya tumelo bakeng sa batho ba ba babjago mosong wo. Ka gona ke nyaka go Bea diatla godimo ga bona, le bagolo. Ka gona re dirile tlwa se Lentšu la Modimo le se boletšego. Ka gore, fao ke mo ke yago thwi, ka Molaetšeng wa ka.

Bjale a re rapeleng.

⁴ Tate wa rena wa Legodimong, ge re tliša go Wena pina ye, molodi wa *Dumela Feela*, o hlagiša go Wena maikutlo a rena go leba Lentšung la Gago. Gomme bjalo ka ge balwetši ba tloditšwe go ya ka Lentšu la Gago, gomme bjale re ya go rapela thapelo ye ya tumelo, bokaonekaone bja tsebo ya rena, go obamela ditaelo tša Gago. Gomme re a lemoga, ebile le ka bofokodi bja rena, Wena o feta go kgona go fenya bofokodi bja rena ka Maatla a Gago le botho. Gomme ka gona re ya go tliša bagolo fase, go Bea diatla godimo ga balwetši, go phethagatša thomo ye nngwe le ye nngwe re tsebago gore e filwe ke Morena wa rena.

⁵ Gomme re a rapela, Morena, gore re hweditše mogau pele ga Gago, ka morago ga mengwaga ye yohle, go le bjalo re leka go obamela taelo ya Gago. Gomme bjale ke a rapela, le sehlopha se sennyane se mosong wo, bjalo ka ge O re romile, ka gore ba a hloka, batho ba ba lego mo go rapelelwa. Gomme re neela thapelo ye bakeng sa yo mongwe le yo mongwe wa bona. O tseba dipelo tša bona gomme O tseba ditlhologelo tša bona.

⁶ Gomme ke rapela thapelo ye ya tumelo, mmogo le kereke ye, gore O tla dira go bonagala go bona tlhologelo ye nngwe le ye nngwe ba nago le yona. A nke e be kgonthe feela bjale. Gomme a nke, ge ba tloga kerekeng ye, lehono, a nke ba ye bjalo ka Abraham wa kgale, ba bitša dika tšeо mo o ka rego di be di se gona fao, gomme ba gana eng kapa eng e ka bago kgahlanong le tšhegofatšo ye re e kgopetsego. Wena o tshepišitše ka Lentšung la Gago gore se tla tla phethagalang, gomme re a se dumela.

⁷ Bjale, le banna ba bao O ba kgethilego le ba biletša go ba badiredi le bagolo, re ya go Bea diatla godimo ga bona feela bjalo ka ge re be re... o ka re re be re ba kolobetša. Gomme ba tloditšwe. Thapelo ya tumelo e neetšwe, gomme diatla di bewa godimo ga bona. Re a rapela gore tumelo ya bona bjale e tla lebelela go Wena, O Ramaatlakamoka Modimo, gomme ba dirwa go fola. Leineng la Jesu re a rapela.

⁸ Bjale, ke kgopela bagolo, etlang thwi tlase fa go bapa mothalong, ge re bea diatla go bona. Gomme ge yo mongwe le yo mongwe o bea seatla sa gago godimo ga...[Ga go selo godimo ga theipi—Mor.]

⁹ ...le tla mpha šedi ya lena ya go se arogane, feela lebaka la dinakwana di se kae, ge le rata. Ga ke leke go tšea nako ye ntši kudu, ge ke bea sesupanako sa ka mo, go ba le nnete.

¹⁰ Gomme, Ngwanešu Beeler, ke a nagana o mo go segatiši, mo bofelong bjo bongwe. Gomme Leo le Gene ga ba mo. Kafao ke nyaka o, ge o ka rata, go gatiša bopaki bjo bjoo ke tla bo fago mo metsotsong e se mekae, go romelwa go Ngwanešu Boze, o topa se godimo.

¹¹ Ke rata go bala, mosong wo, go tšwa go pu—pu Puku ya Mokgethwa Mareka, tema ya 12. Re nyaka go tšea karolo ya le le go Le bala, gomme ka gore Ke le lekgethwa la Modimo, Lentšu la go se otswafatšwe. Gomme re a dumela gore Modimo o ka go Lentšu la Gagwe. A le dumela seo? Gomme re a rapela gore Modimo o tla oketša ditšhegofatšo tša Gagwe go Lona, ge re Le bala, gomme ke na le nnete gore O tla dira.

¹² Gomme ka gona ke nyaka go tšea karolo ye nngwe ya Lentšu la Gagwe, go tšwa go Ditiro, tema ya 1. Gomme re tla bala go tloga nako yeo. Gomme ke kgopela Morena ge A ka oketša ditšhegofatšo tša Gagwe go—go palo ya Lentšu la Gagwe.

¹³ Ke be ke nno lebelela mo. Ke bile le leswao mo ka go Beibebe ya ka—ya ka, le ke bego ke nyaka go bala go tšwa go lona, pele, eupša ga ke nagane nka kgona go le hwetša feela ka nako yeo. E no ntshwarelang nakwana, go fihla ke kgona go e hwetša, ge nka kgona. Ke naganne ke bile le yona.

...Jesu o rile *go bona, Ebang le tumelo ka go Modimo.*

Gobane ruri Ke re go lena, Ge o ka re go thaba ye, A ko šuthišwa...; gomme wa se belaele ka pelong ya gago, eupša...wa dumela gore dilo tšela o di bolelago di tla direga; o tla ba le se o se bolelago.

¹⁴ Bjale, godimo ka go Ditiro, te—te tema ya 1 gomme temana ya 8.

Eupša le tla amogela maatla, ka morago ga ge Moya wo Mokgethwa o tlide godimo ga lena: gomme le tla ba dihlatse go nna bobedi ka Jerusalema, le ka... Judea, le ka Samaria, le go ya dikarolong tša kgolekgole tša lefase.

¹⁵ Ke rata go gogela šedi ya lena go Lentšu la Morena, mosong wo, lebakana feela. Gomme ke nyaka le fe šedi ye kgolokgolo go Lona. Theetšang sekgauswi. Boleng bja Lentšu le!

¹⁶ Ka morago ga mengwaga ye masomepedi tlhano ya bodiredi go Morena, ka mošomong wa Gagwe le ka Lentšung la Gagwe; gomme ka morago ga se go beng, go tleng ka go ngwaga wa ka

wa lesomepedi wa boebangedi bja ditšhabatšaba; le ka mogau wa Modimo, go kopana le dikete tše masome tša—tša batho; le go boneng Morena wa rena ka go masolo a rena beng, a thopa, bjale bjalo ka ge ke bone, go Yena, oo, thwi ka gare go leba go milione tše pedi tša batho, goba milione dikete tše makgolotlhano, felotsoko go bapela ka kua, ka dikopanong. Ke tlile go mafetšo a, le a ohle maitapišo a rena, le go ya pele. Ga go kgonege go Modimo go dira e ka ba eng go batho go fihla batho la mathomo ba dudišega go ge eba ke Therešo goba aowa. O no se kgone. Ga go kgathale... .

¹⁷ Ke bone ditšweletšwahlwahlwa tše kgolo tša Morena wa rena, ka go le—le Lentšu, yo a kgonnego go hlaloša Lentšu bokaonana go feta e ka ba mang nkilego ka mmona, gomme efela a se kgone go dira lenaneo go ya godimo.

¹⁸ Gomme ke na le ka monaganong wa ka, mosong wo, monna tsoko yo ke naganago o na le le lengwe la mananeo a seyalemoya a makaonekaone mo moyeng. Eupša go na le, ka mokgwa wo mongwe, monna a ka se kgone go bea lenaneo la gagwe godimo. Yoo ke Ngk. Wyatt, morutiši wa kgonthe. Eupša go na le se sengwe sa phošo; ga ke tsebe moo se lego. O na le pono, o na le kgopolu, o na le bokgoni, eupša gabonolo o no se kgone go dira lenaneo go sepela, ka mokgwa wo mongwe. Lenaneo leo a nago le lona ka maatla le go Lentšu, gomme le swanetše go tliša lefase matolong a bona.

¹⁹ Gomme ke bone fa, e se kgale botelele, ka Louisville, ge ke bone Ngk. Mordecai Ham le baithutamodimo ba bantsi ba bagolo bao ke ba tsebago, e lego moreri yo mokaonana kgole go feta baswa masometharo seswai goba masomenne a mengwaga bogolo, moebangedi wa hlogo ye khubedu o sepeletše ntle sefaleng, a feta banna bale, gomme ba tsere setulo sa morago. Gomme o eme fale bošegong bjoo, go be go se tee lesomeng goba tee lekgolong moreri yoo banna ba bego ba dutše ka morago ga gagwe, le ge a bile le lenaneotshepedišo la Modimo gomme a le bea godimo: Billy Graham.

²⁰ Ke hlokometše dilo tšela. Gomme go di lemogeng, morago ke tla go mafetšo a. Ga go kgathale se o lego, Modimo o swanetše go fa batheeletši. Gomme ga go kgathale ge nka kgona go ema fa mosong wo le go tliša bahu bophelong, le go tliša digole go seemo sa bona sa go itekanelo, gomme, efela, Modimo ga a ka go lenaneo, le ka se ye felo. Modimo o swanetše go ba lenaneong.

²¹ Gomme motho e ka ba mang, o a tsebjia, semelo sa gagwe se tsebjia ka mediro ya gagwe. Ga go kgathale ke mang, mediro ya gagwe e netefatša semelo sa gagwe. Ge o tšea monna, ga go kgathale o leka go ba gabotse bjang, ge mediro ya gagwe e le ye mebe, go loka gohle ga gagwe go ka se be selo. Gomme lentšu la monna ke semelo sa gagwe. Monna yo lentšu la gagwe le sego

la loka, gona o ka se tsoge wa ba le boitshepo ka go monna yola, gobane lentšu la gagwe ga se la loka.

²² Kafao, kagona, Modimo, Tate wa rena, semelo sa Gagwe le mediro ya Gagwe e netefatša se A lego. Bjale, re a tseba gore lefase le le tla fa ka Mohlodi tsoko yo mogolo. Le be go ka se no direga go ba.

²³ Bjale, ke nyaka ye feela dinakwana di se kae go no ba bonolo ka mo go kgonegago. Eupša ke nyaka le e tliše ka gare, le rapela gore Moya wo Mokgethwa o tla e sepediša thwi ka go seetša se e lego ya sona.

²⁴ Bjale, ge le ka no lebelela gomme la bona mehlare e gola; gomme makabe le matlakala, ka fao a tlago le go tloga, le matšoba; seruthwana, lehlabula, marega, selemo. Se sengwe se swanetše go ba ka morago ga seo. Go ka se be le mohlare ntle le ge go ka ba bohlale go o dira mohlare. Ga go kgathale ke mohuta ofe wa bophelo o tla bago ka go wona, go swanetše go ba, ka morago ga woo, bohlale go o dira se o lego.

²⁵ Bjale naganang seo, go otlologa bjale. Le se se dumelele go ya mošola. Nagana ka yona, go teba. Ka gore, ge le ka hlokomela thuto ya rena ya Lengwalo, Jesu o rile, “Ge le ka bolela ka pelong ya gago!”

²⁶ E sego ka go mahlale a gago; e ka se tsoge ya šoma fao. Ga go kgathale o leka gakaakang go e dira e šome, e ka se šome, gobane ke bohlale gomme e ne bofelo.

²⁷ Eupša ge e ka ba eng e le ya Gosafelego, ga e ne bofelo, gomme ga e ne mathomo. Eng kapa eng ka mafelelo, mathomo, e na le bofelo. Eupša e no ba dilo tše di se nago mathomo. Gomme Modimo a nnoši ga a ne mathomo goba bofelo. Gomme, gona, go ba le dilo tše di nago le mathomo, go ile gwa swanelia go ba se sengwe ntle le mathomo, go thoma mathomong.

²⁸ Mohlare wa mathomo wo o kilego wa dirwa, wola, go swana le wola Jesu a o rogakilego mo, o rile, “Ga go kenywa e golago go tloga bjale go ya pele, ga go motho a jago go tšwa go wena,” go ile gwa swanelia go ba, felotsoko, mohlare wola o ile wa swanelia go ba le mathomo. Gomme o bile le bofelo, ge Mantšu ao, go tšwa go dipounama tša Yena Yo a o filego mathomo, a e išitše bofelong. Kafao, le bona ka fao Mantšu a Gagwe a lego Gosafelego.

²⁹ Eupša re sa tšwa go amogela Lentšu godimo ga motheo wa bohlale. Gomme ke bone mafelo a mantši a go palelwia moka, go fihla e tliša batho lefelong moo ba sa tsebego feela se ba ka se dumelago. Ba no ba, ba na le mafelelo a go hlephia a mantši go bodumedi bja bona—bja bona. Ba kitimela ntle go makabe ka tsela *ye*, gomme makabe ka tsela *yela*, *ye* e tlago bofelong, gomme šeba ba a tla ba abulela morago. Mesepelo ye megolo e a thoma gomme e kitimela ntle boka Mamethodist, Mabaptist, le Mapentecostal, le sohle se. Gomme, selo sa pele le a tseba, ba hwetša kgopolio ye nnyane ya monagano, gomme ba kitimela

ntle go lekala gomme ba iketla. Eupša, selo sa pele le a tseba, ba ikhwetša bonabeng mo bofelong.

³⁰ Eupša dilo di nnoši tše di kilego tša tšeа nako, ke dilo tša Gosafelego, gomme dilo tša Gosafelego ke Modimo.

³¹ Bjale, ge le ka hlokomela, motho a tsebjago ka sa gagwe... semelo sa gagwe se tsebjago ka mediro ya gagwe. Ge re ka nagana ka fao Modimo a bontšago semelo sa Gagwe ka mediro ya Gagwe. O na le semelo sa Gagwe Mong, gomme O dirile mediro ya Gagwe. Gomme ge o lebelela mediro ya Gagwe, ke ye megolo gakaakang!

³² Bjale a nke ke hlohle rasaense yo mongwe le yo mongwe ka lefaseng go nkagela mohlare o tee. A nke ke hlohle rasaense yo mongwe le yo mongwe ka lefaseng go ntirela le letee le lennyane, lehlokwana le bonolo la bjang. Gomme ka go felela ga go kgonege.

³³ Gabotse, go bonala eke, gona, go naganeng dilo tšela, gore go ka ba le go bea, ka go bala Lentšu, tumelo ye e tla yago bokagodimo ga kgopolu ya bohlale, go ya ka pelong. Jesu o rile, “Ge o ka bolela ka pelong ya gago!”

³⁴ Bjale, re hwetša dikgakanegokgolo tšohle ka menaganong ya rena, gomme re ya ntle le go re, “Oo, ke bone seo se dirwa. Ee. Ke nna...” Gomme gatee ka lebakana, e no taboga, tshela, le go ya pele, eupša go bonala o ka re e no se kgone go sepela gabotse. Ke ka gobane re leka go hlakanya bohlale le tša kagodimogatlhago. Ga di na tirišano le seng sa tšona, le gannyane. Babohlale ba tla bolela selo se tee, gomme sa kagodimogatlhago se tla bolela se sengwe.

³⁵ Gomme motho e ka ba mang yoo a kilego a hlahlwa ke Moya wa Modimo ga a tše kgopolu e ka ba efe ya bohlale e ka ba bofe, eupša o hlahlwa go tšwa pelong ya gagwe ka Moya wa Modimo. Ga a kwešišwe. Batho ba re, “Oo, e ka kgona go ba bjang?”

³⁶ Gonabjale ke hwetša mangwalo le megala ya mogala, “O ra gore, Ngwanešu Branham, gore o ka se ye mošwamawatle? Ka morago ga tšohle tše kgolo tše...”

³⁷ Eupša, go lebega go makatša, eupša Sengwe tlasetlase ka gare, se rile, “Hlokomela.”

³⁸ Gomme, kagona, ga re lebelele go se re se bonago. Re lebelela dilo tše di bonego, eupša, se Modimo a se bolelagu ka pelong. Gomme ge re ka kgona go ela šedi go dilo tše, ke ga kaakang go fetiša ka phodišo ye Kgethwa. Ge Modimo a dirile tshepišo, gomme e kgwaparetša ka pelong, gabotse, ke eng e botse re sa hlokago dihlalefi? Ga ke lebelele ditlaišego tša ka. Ga ke lebelele dika tša ka. Ke lebelela se Modimo a se boletšego ka yona. Gobane, morago ga tšohle, ke Yena Molaodi, le Molaodi mogolo. Ge ngaka a boletše bjalo-le-bjalo... .

³⁹ Bjale, ge o leka go fora seo, se ka se šome. Ge o leka go e fa mabaka ka monaganong wa gago, o re, “Ee, Lentšu la Modimo le a rereša. Ke dumela Leo. Ke a dumela le tla phethagala. Ke nagana seo.” Bjale, ge seo e le ka bohlale, le wena o ka no ema o e nagana.

⁴⁰ Go fihlela Sengwe se etla fase ka gare ga gago, seo se no rego go bjalo, gomme seo ke sohle se lego go yona. Ga go matimone a a lekanetšego a ka tsogego a kgona go e šikinya go tloga go wena. Ke Sengwe ka gare, se bitšwago “pelo.” Fao ke mo tumelo ya nnete e hwetšago lefelo la yona la go khutša.

⁴¹ Dihlalefi di tla leka go fa mabaka ka yona. “Bjale a re nong go kwagala.” Eupša tumelo ga e na le go fa mabaka. E no ba le selo se tee, gomme, seo ke, Lentšu la Modimo le a rereša. Oo, fao ke mo soulo e beago maoto a yona, gomme e khutša ka Gosafelego thwi fao, ka gore Modimo o boletše bjalo. E sego mofori, eupša go e tseba.

⁴² Gomme lefase, e lego mošomo wa Modimo, ka go felela le bolela le go paka ka Sephedi sa Gagwe. Fao go swanetše go ba Modimo, goba fao go ka se be lefase. Fao go swanetše go ba Mohlodi, goba fao go ka se be tlholo. Gomme ge Lentšu le, le A hlotšego lefase ka lona, le efa tshepišo, e swanetše go hlola tlwa se se hlotšego lefase le, ka Lentšu la Gagwe, mo mathomong.

⁴³ Ge Modimo a rile, “A go be le,” gomme e ka no ba e tšere mengwaga ye bilione tše lesome. Ga ke tsebe e tšere botelele gakaakang. Eupša e tšere botelele gakaakang, seo se be se sa re selo, gobane Modimo ke wa Gosafelego. Gomme O rile, “A go be le,” gomme e thomile go gola, ka gore Modimo o tšere Lentšu la Gagwe Mong gomme a dumela.

⁴⁴ Gomme ge Lentšu la Gagwe la tlholo ya Gagwe, mediro wa Gagwe fa, o netefatša gore Yena ke Mohlodi, gona gabaneng re sa kgone go tsea Lentšu la Gagwe go se Le se bolelago le go Le dumela? Gobane, Ke Lentšu la Mohlodi la go swana. Bjale, mediro ya Gagwe e a hlatsetša.

⁴⁵ Gomme, bjale, pele ga Modimo, Yena mosešitwe, a ka kgona go bolela e ka ba eng, e swanetše go phethagala. Gobane, e ka kgona feela—e ka kgona feela... Ge e etšwa go Modimo, e tšwa go tšhanele ye e phethagetšego.

⁴⁶ Bjale elang se hloko. Bohle batho, se sengwe le se sengwe, banna ba tsebjia ka mešomo ya bona.

⁴⁷ Ge Leporogo le legolo la Masepala le be le agiwa ka Sydney, Australia, ge ba rometše go dikologa lefase go hwetša baagi ba leporogo, bahlami, gomme go tloga... ba nyaka go kgabaganya nagagodimo ka—ka Sydney, Australia, go kgabaganyetša godimo ka Borwa bja Sydney, bahlami le bohle ba tlide, gomme ba epolotše mobu le go o leka. Gomme bona bohle ba tla go mafetše a, “E ka se kgone go dirwa.” Ba rile, “Lebopo ka moka le tletše lešabašaba la go sobetša. Gomme mobu o ka se swarelele mmogo

go lekanel. O tla šutha go tloga lefelong go ya lefelong. Kagona, ge leporogo le ka agwa, le tla ba selo sa kotsi go leka go feta godimo ga lona.”

⁴⁸ Gomme mafelelong go bile le monna yo e bego e le monna wa pono, moagi wa leporogo ka Engelane. O tlide godimo. Gomme o lebeletše lešabašaba. O—o le lekodišitše. O lekile mebu. O kwele meetse. O e lebeledišitše gohlegohle, pele.

⁴⁹ Oo, ke rata seo. O e lebeledišitše gohlegohle, pele. Jesu o rile, “Monna a reka lefelo, goba a eya go kopana le sešole, sa pele o dula fase gomme o a hlodišiša boleng.” Yo mongwe le yo mongwe wa lena fa mo aletareng mosong wo, le tla dula fale ka madulong a lena pele le etla go tlotšwa, gomme le tla hlodišiša se e se rago, e be e ka se no ba go ya go kgabola mothalo wa thapelo, ka tlhakahlakano, e tla ba go ya kua ka boitshepo bja go tia, gore, Modimo o be a e tshepišitše gomme Modimo o be a kgona go boloka Lentšu la Gagwe.

⁵⁰ Kafao, monna yo o lekile mebu. O lekile . . . bolao bjo bongwe le bjo bongwe ka fale bjoo bo bilego le lešabašaba la go sobetša. Gomme, mafelelong, o ile go baofisiri. O rile, “Ke tla aga leporogo, gomme le tla bolokega.”

⁵¹ Baagi ba leporogo ba Amerika le dikarolo tša go fapanā tša lefase ba segile feela le go re, “Monna o babja monaganong. Ga go motho a ka kgonago go bea leporogo go kgabaganya lela.” Ba rile, “Le ge kgogo e ka sepela leporogo leo le tla agwago, le tla nwelela. Leporogo le be le ka se kgone go e kgotlelala. Meroromelo ya ebile le mpsa e kitima go kgabaganya leporogo, ye e tla rorometšago leporogo,” ba rile, “e tla šikinya mašabašaba, gomme leporogo le tla phušoga. E ka se kgone go dirwa.”

⁵² Eupša monna yo e be e le monna wa pono, gomme o be a tseba se a bego a bolela ka sona, gobane se sengwe tlase ka go yena se mmoditsé a ka e dira.

Modimo, re fe banna ka kerekeng, ka mokgwa woo!

⁵³ Bjale, go tšwa go ka moka dinyakišio tša saense, gore, e ka se kgone go dirwa, saense e netefaditše gore e ka se kgone go dirwa. Eupša monna yo o bile le pono a ka kgona go e dira, kafao o tšere kontraka.

⁵⁴ Ka pela o ile go šoma. O ile go lekeng mebu. O ile a ya go lekola, gomme a theetša mabotebo a bolao bja lešabašaba. O lekile pouto ye nngwe le ye nngwe. O lekile seripa se sengwe le se sengwe sa—sa kota, seripa se sengwe le se sengwe sa tshipi, khonkhoriti ye nngwe le ye nngwe. Se sengwe le se sengwe se swanetše go lekwa ka phethagalo. Gobane, leina la gagwe—la gagwe le legolo, le semelo sa gagwe le bokgoni bja gagwe, bo khutšitše godimo ge eba leporogo lela le eme goba aowa.

⁵⁵ Gomme ge monna wa lefase le, ka pono, o tla ba le kgonthe gore se sengwe le se sengwe se lekilwe ka phethagalo pele a se bea

ka leporogong, ka baka la semelo sa gagwe le ka baka la leina la gagwe, ke bontši gakaakang Tate wa rena wa Legodimong wa go šegofala a lekilego Lentšu le lengwe le le lengwe leo le kilego la bolelwa goba le ngwadilwego ka Beibeleng. O lekile Lentšu le lengwe le le lengwe, moprofeta yo mongwe le yo mongwe. “Gomme morwa yo mongwe le yo mongwe yoo a tlogo go Modimo o swanetše go lekwa.” Materiale wo o yago ka go Tselalephefo ye kgolo ye, leswika le lengwe le le lengwe, materiale wo mongwe le wo mongwe, pele o bewa ka go m—m Mmele wa Kriste, o swanetše go lekwa, go kgalwa. “Morwa yo mongwe le yo mongwe yoo a tlogo go Modimo o swanetše go lekwa pele.” Ga go ka ntle ga tlhaolo; yo mongwe le yo mongwe! Mopropfeta yo mongwe le yo mongwe, pele a be a ka kgona go ngwala ka Beibeleng yela, o ile a lekwa ka Moya wo Mokgethwa.

⁵⁶ Feela bjalo ka yena, moagi wa leporogo, ke maswabi, ke lebalia leina la gagwe, ke be ke le tseba, matšatši a mmalwa a go feta ke be ke bala athekele, ka fao a bilego le se sengwe le se sengwe se lekilwe. O hweditše dikgerekgere tše kaonekaone a kgonnego go di hwetša. O na le monna yo mokaonekaone wa khonkhoriti. O hweditše bokaonekaone bjo a kgonnego go bo hwetša, go bea mmogo bokaonekaone bjo a bilego nabjo.

⁵⁷ Oo, soulo ya ka e tla goeletša “haleluya” go Modimo, ge ke nagana gore Modimo o bea ka Kerekeng ya Gagwe bokaonekaone bjo A ka bo hwetšago. Modimo o tšeaa bana ba Gagwe gomme a ba leka ka teko ya esiti, morago O ba bea ka Mmeleng wa Kriste gobane ba lekilwe. Ba a dumela. Ba ile go kgabola meleko. Ba bile le boitemogelo. Ke dihlatse tša Gagwe. Ba tseba se ba bolelago ka sona. E sego feela kgopoloy ya bohlale, eupša ba tswetšwe gape, ka Moya wo Mokgethwa wo bohlokwa, le go lekwa ke nako le go lekwa, go fihla disoulo tša bona di bewa bjalo ka diphego go leba Khalibari. Ee, ba lekilwe ke nako. Ke dihlatse tša Maatla a Gagwe. Gomme ka seo, Modimo o aga leporogo go tloga lefaseng go ya Letagong, gore monna wa mosepedi a ka tla godimo ga tselalephefo, go dula fase ka tlase ga mohlare, ka botšididing bja letšatši, ka materiale wa go lekwa ke nako, bao ba tšeago Modimo Lentšung la Gagwe. Ga go kgathale se dika di lego, diemo, tšeaa ga di eme tseleng. Modimo o na le materiale wa go lekwa ke nako bjalo ka hlatse, gomme O a o bea.

⁵⁸ Gomme moagi yo mogolo yo wa leporogo, ge mafelelong... Bahlami ba eme go bapa ka lehlakoreng gomme ba re go moagi, bontši bja baswaswalatši, “Le ka se tsoge la ema.”

⁵⁹ Kafao ba rile, “Kereke e ka se tsoge ya tsoga.” Kafao ba rile, “Matšatši a mehlolo a fetile.” Kafao ba boletše, gore, “Bodumedi bja nako ya kgale bo ka se kgone go ipshinwa gape.”

⁶⁰ Eupša, oo, ge monna yo a beile materiale ohle woo mmogo, o epile. O bile le dibuduledi, gomme a budulela ntle mepete yela

ya lešabašaba la go sobetša. O ile pele tlase, tlase, tlase, lebaka la dikgato tše makgolo ka tlase ga meetse, go fihlela a budiletše lešabašaba lela le šuthago kgole, go fihla a bea khonkhoriti ye e kgwapareditšego ka leswikeng ka tlase ga lewatle. Oo, e be e le poreisi, ee.

⁶¹ Gomme eng kapa eng ye e nago maswaanedi a go ba le yona, e na le poreisi e kgomareditšwe go yona. Phološo ye ke ye kgolo bjang! A poreisi ye kgolo!

Eupša mafelelong o ile tlase ka tlase ga lešabašaba la go šutha.

⁶² Gomme Modimo o tšere Bakriste le go ba leka, le go ba leka, a swanelo go ba phumula, le go ba phumula, le go ba phumula, go fihla mafelelong, le lengwe la matšatši a, O tla fase go Leswika le le kgahlilego. Monna yo mongwe o no tše boitemogelo bjo bonnyane bjo bja go duma bja go šišinya diatla le go tšoena kereke, le gofafatšwa makga a se makae, goba go kolobetšwa goba se sengwe, gomme O hlatswa lešabašaba lohole la go šutha morago go fihlela a kgwapareditše go Leswika, Kriste Jesu. Bodiabolo bohle tlaišong ba ka se kgone go mo šuthiša.

⁶³ Moagi wa leporogo o tsebile se a bego a se dira. Gomme ge, mafelelong, le be le fedile, ba bangwe ba bona ba rile, “Le ka se eme. Le tla ba kotsi go e ka ba eng go le kgabaganya.”

⁶⁴ O hweditše, tikologong, sehlopha sa boraentshineere, le ditsela tša setimela. Gomme letšatši lela ge ba fetile go tloga Borwa bja Sydney, go ya Leboa la Sydney, go tshela sekgala, o beile e ka ba diterene tše seswai tše kgolo tša merwalo di laišitšwe. Gomme o beile ratoropo wa toropokgolo ka koloing, gomme o ile ka pele ga yona, a sepela, a swere folaga. Gomme ge madira a magolo le a magolo, di entšene tša mušimeetse tše seswai tše kgolo di laišitšwe, di matšha go kgabaganya leporogo lela, le moagi a tše lefelo la pele, a eya ka pele, ebile ga se la tsoge la šutha.

⁶⁵ Gomme Jesu Kriste, Morwa wa Modimo, Yo e lego Mohlami wa Kereke, o tlide lefaseng le gomme a bea motheo fase. Ge A kopana le diabolo, O ile a lekwa ka Lentšu la Modimo, gomme O rile, “Go ngwadilwe, ‘Motho a ka se phele ka borotho bo nnoši.’” Ge a Mo išitše go ntlhorana ya tempele, O rile, “Go ngwadilwe.” Le bona materiale wo A bego a o bea ka Kerekeng ya Gagwe? O Mo išitše thabeng, gomme o Mmontšhitše mananeo ohle a magolo A ka bago le ona; O rile, “Go ngwadilwe.”

⁶⁶ Lentšu lohole la Modimo le ile la lekwa ka nako. Gomme Yena ke Mokapotene yo mogolo yo a yago pele ga rena, ka jase ya Gagwe Mong ya madi e šišinywa, gore, ka lerato la go lopolla la Madi a Jesu Kriste, o rekile Kereke, ka Moya wo Mokgethwa wo o lekilego poulo ye nngwe le ye nngwe le motho yo mongwe le yo mongwe yo a kilego a kgwaparetšwa ka go Kereke ye kgolo

ye ya Modimo wa go phela. Ke materiale wa go lekwa ke nako wo o e dirago.

⁶⁷ Gomme ge A matšha go ya pele, mmušo wo mogolo o etla ka morago ga Gagwe, bjalo ka Kereke ye e tswetšwego gape ya Modimo yo a phelago, Yena ga a šuthe, ka gore re amogetše Mmušo wo o ka se kgonego go šuthišwa. E e epilwe go dikologa go Leswika le le kgwahlilego, la Kriste Jesu, e lego Letlapasekhutlo Legolo. Gomme ge A eya pele ga rena, ka jase ya Gagwe Mong ya madi, a dira tsela, ke leswao la topollo.

⁶⁸ Dihlatse! “Le tla ba dihlatse tša Ka, bobedi ka Jerusalema, le ka Judea, le ka Samaria.” Kereke ya Gagwe e ema bjalo ka hlatse ya Gagwe. Bjale, mosong wo, ke tla rata go bolela se le go tlogela se go lena. Re dihlatse tša Gagwe ka morago ga ge le amogetše Moya wo Mokgethwa. Ka gore go ka kgonna feela go ba selo se tee o ka kgonago go se hlatsela, seo ke, se o se tsebago go ba Therešo.

⁶⁹ Moisa yola o kgonne go hlatsela, ka morago ga ge a butšweditše mašabašaba ohle kgole gomme a hweditše leswika la go tia letsweleng la lefase. O be a le hlatse gore seo se tla swara. O beile ya Geiger le metšhene go diripana tše kgolo tšela tša materiale le go leka se sengwe le le se sengwe sa tšona. O be a le hlatse gore di be di tla swara, ka gore o e bone e bewa maatleng a yona gomme o be a swere.

⁷⁰ Gomme rena ba re tswetšwego gape ka Moya wo Mokgethwa, ba re tladitšwego ka Maatla a Modimo, ba ba latswitšego Bophelo bjo Bosafelego bja Modimo wa Gosafelego, gomme Bjoo bo dula ka go rena, re dihlatse tša botho bja Gagwe, le Lentšu la Gagwe, le Maatla a Gagwe. Ga e sa le go thankwa bjalo. Ke tseba bjalo, ka boitemogelo.

⁷¹ Noage, ge a agile areka, o file bohlatse go lefase le le sa lokago gore go be go le Modimo wa go loka. Le ge go be go bonala bogafa ge e be e agwa, eupša e netefaditše gore e be e le sekepe se nnoši seo se bego se tla phaphamala go kgabola ledimo. Gomme ge e be e hlongwa, e be e le... O ahlotše lefase la go se loke, le go lokafatša bao ba dumetšego ka go yona.

⁷² A nyefolo bjang, nako ye nngwe, Modimo o dira dilo, ka mahlong a motho. A o kile wa ema go nagana ke mohuta ofe wa legong woo Noage a agilego sekepe sela go tšwa go lona? Se be se agilwe go tšwa go kota ya moduhlare. Gomme leo ke legong le boletaleta kudu le ka hwetšwago. Le no swana le mopalesema. Ke... Gobaneng, o e lahlela ka letsheng ntle mošola, e tla nwelela mo metsotsong ye mehlano. Legong la mopalesema, goba legong la moduhlare, le ne mašoba go le rarela. Gomme a ga se selo sa go tlabo gore areka e be e swanetše go emela moleko wa tshenyego ye kgolo ya pele ga meetsefula, gomme e agilwe ka legong le boleta? Gabotse, le be le šomišega.

⁷³ Gomme nako ye nngwe ge re eba bothata kudu le go dula ka ditseleng tša rena, Modimo a ka se kgone go re šomiša go e ka ba eng.

⁷⁴ Eupša lebaka šele A e dirilego: A le etše hloko? Ka morago ga ge a e dirile, morago a apea sekontiri se sengwe, goba motimmu wo mongwe, e be e le, go tšwa go mehlare ye mengwe. Bjale, se se ra go reng? Ge a beile areka mmogo, e dirilwe go tšwa go le bohwefo ka kgonthe, legong le boleta. O be o ka kgona go e phagamiša tikologong, gabonolo kudu, e bohwefo le go šomišega. Gomme ka gona o ripile mohlare wo mongwe wo e bego e le mohlare wa mophae. Gomme ba betha woo, ka tsela ye ba bego ba tlwaetše go e hwetša, ba e itia le go e itia, go fihla ba itia motimmu go tšwa go yona. Gomme ka gona o tšere motimmu wo gomme o o tšhetše ka legong le bohwefo le, gomme mašoba a mannyane ao a bego a le ka legong le bohwefo a tladiťšwe ka motimmu, a šibilwe, o le dirile ye thatathata go feta setala.

⁷⁵ Gomme Modimo o tšere Kereke ya Gagwe, ba ba ikgotholago bonabeng, gomme ga se selo eupša go botega ka diatleng tša Modimo. Modimo o ripile Morwa wa Gagwe Mong fase, gomme o tšere Bophelo go tšwa go Morwa wa Gagwe, ka mesetlo le dikgobalo, gomme a Bo tšhela ka go modumedi; gomme o ba go šibja, a lokela dikahlolo. Seo ke selo se nnoši seo se tla tšeago kahlolo.

⁷⁶ E fetile thwi godimo ga dikahlolo, gobane o ile thwi go kgabola... Meetse a be a le kahlolo, gomme e fetile go kgabola kahlolo. E be e le hlatse gore Modimo o tsebile se A bego a se dira. Noage o latetše Lentšu la Modimo. Dilo tše ntši di ka bolelwaa.

⁷⁷ Daniele o be a le hlatse gore go be go le Morongwa Legodimong, goba Modimo Legodimong, yo a tsebilego diphiri tša pelo, ka gore O rometše Morongwa wa Gagwe le go lokolla Daniele. Ba bangwe ba bantši ba be ba le hlatse.

⁷⁸ Ge Jesu a hwile sefapanong, magodimo a fa bohlatse. "Fao go materiale. Seo ke selo." Ge le ka ela hloko, tlholo yohle e fa bohlatse go yona.

⁷⁹ "Thwi ka bogareng bja mosegare." Ge Modimo a profetile, pele, ge sabatha e tla fela, o rile, "E tla ba nako ge letšatši le sobela ka bogareng bja mosegare." "Gomme go tloga iring ya boselela go fihla iri ya senyane, e be e le leswiswi." E be e le eng? Letšatši... Bjale, leswiswi ga le re gore le na le seetša se sennyane ka go lona. Leswiswi ka go felela ke leswiswi la go felela, leswiswi kudu, boka le bile ka Egepeta, go fihla le ka kwewa. Go se lehlasedi la seetša!

⁸⁰ Gomme letšatši la fa bohlatse, "Go ne yo Motee. Woo ke materiale wo Modimo a yago go aga Kereke go tšwa go wona." Ngwedi le dinaledi di file bohlatse. Ge A hwile, magodimo a file bohlatse. Lefase le ile la kgeba, maswika a ile a phesuga. Lefase

le ile la fa bohlatse. Gomme bakgethwa ba ba robetšego lefaseng, lerole la lefase, ba fa bohlatse.

⁸¹ Batho ka Pentecost, ge ba be ba dira metlae, Petro o eme godimo le go fa bohlatse ka bjo bongwe bja Bophelo bjola bja go swana bjo bo iteilwego go tšwa go Yena kua Khalibari, bo tšholletšwe ka go Petro, ka sebopego sa Moya wo Mokgethwa. Gomme o eme fale bjalo ka hlatse, Lentšu la Modimo, gomme o file bohlatse ka sehlogo go tšwa go Lengwalo, bjoo bo rilego, “Lena banna ba Judea, lena ba le dulago ka Jerusalema, a nke se se tsebje go lena, gomme ekwang mantšu a ka. Ka gore ba ga se ba tagwa, bjalo ka ge le nagana, eupša se ke seo se boletšwego ke moprofeta Joele, ‘Go tla tla go phethega ka matšatšing a mafelelo, Ke tla tšollela Moya wa Ka godimo ga nama yohle.’” O be a le hlatse.

⁸² Bjale re tla ka go matšatši a a mafelelo le a mabe, ge A eya go ba le dihlatse. O swanetše go ba le dihlatse. Modimo o a phela. Lentšu la Modimo ke la Gosafelego.

⁸³ Bjale a re boeleng morago go palo ya rena ya Lengwalo. Jesu, a etšwa thabeng, O be a swerwe ke tlala. Gomme A lebelela ka mohlareng, gomme go be go se dienywa godimo ga wona. Yena, mohlomongwe, ga se a ke a hlaboša segalontšu sa Gagwe.

⁸⁴ Ga se A ke a ema, a re, “Bjale bakgomana, emang ka lehlakoreng le tee. Ke nyaka go le laetša maatla a Ka.” O rile. . . . “Gomme Ke ne maatla go dira mohlare wola go dira se sebjalo le bjalo.” Ga se nke A bolela seo.

⁸⁵ O nno sepelela godimo go yena. Ga se A hwetše selo—ga go selo go wona, kafao O rile, “Ga go motho a jago go tšwa go wena,” a sepela.

⁸⁶ Petro o e kwele. Gomme letšatši la go latela, ge a etla kgauswi, oo, mohlare o be o sa le fao, eupša o be o hwile. Gomme o swaile ka yona, ka fao mohlare wola o be omilego ka pela, go tloga medung ya wona. Jesu o rile, “Aowa. . . .”

⁸⁷ Gomme, lebelelang, e be e se phošo ya mohlare. E be e se nako ya mago go le bjalo. Eupša O e dirile go ikgodiša Yenamong, go netefatša Yenamong. Go. . . O be a le Mesia, gomme ao e be e le a mangwe a mabopaki gore O be a le Mesia. Leo e be e le leswao la Bomesia bja Gagwe. Leswao la mafelelo e be e le tsogo ya Gagwe, thotogelo ya Gagwe. Leo e bile leswao la mafelelo la Bomesia bja Gagwe. Se A se dirilego e bile netefatšo gore O be a le. Bjale, ga se nke A ya tikologong, a re, “Lena mehlare yohle le a hwa.” O nno e dira fale gore barutiwa, bao ba bego ba eya go ngwala Lengwalo le moragwana, ba tla tseba gore O be a le Mesia. Le a bona?

⁸⁸ Bjale, ka gona, ge Petro a botšišitše potšišo ye, “Bonang, ka fao mohlare o ponnego ka pela!”

⁸⁹ Morago O rile go bona, “Ge o ka re go thaba ye, ‘Šuthišwa, gomme o lahlelwe ka lewatleng,’ gomme wa se belaele, eupša wa

dumela gore se o se bolelago se tla direga, o tla ba le se o se bolelago.”

⁹⁰ Bjale theetšang. Yeo ke karolo ya materiale ka go ekonomi ye kgolo ye ya Modimo, sekepe se segolo se seo re lego ka go sona, sekepe sa kgale sa Tsione, ka Mmeleng wa Kriste.

⁹¹ Bjale go bopaki! E bile nako ye nngwe, ke šeditše se. Gomme bjale theetšang sekgauswi bjale bakeng sa thuto ye nnyane.

⁹² Go bile dinako ka bophelong ge bohole . . . ge ke lebeletše ditlaišego, le go bona bao ba bego ba tlaišega le go hlorišwa ka maatla a letimone, pelo ya ka e no ela madi bakeng sa bona. Gomme, go le bjalo, ke bile le bona ba nteletša mogaleng, le ka dikopanong, lešata lela, le go sepela, le go goga, le go goga, gomme go bothata kudu go re “aowa” go batho bale. Gabotse, nka se kgone go e dira; yo mongwe o a mpolelela. Nka se kgone go fihla go bona. Ka fao pelo ya ka e no go dutla madi bakeng sa bona. Letšatši ka morago ga letšatši ke ya go kgabola tlaišego ya seo, gomme ke a makala dinako tše dingwe.

⁹³ Gomme, nna, gona ke a ikhomotša nnamong, ka go ya morago Lengwalong, le go Mmona a eya go kgabola lefelo lela la Bethesda, le go boneng bohole bale ba golofetšego le go tlaišega; gomme o ile godimo go monna yo motee, a mo fodišitše, a robetše phaleteng, gomme a sepela le go tlogela ka moka. Eupša, go le bjalo, tlase ka pelong ya ka, seo se ntira . . . ga go tše go tloša go swa goo. Oo, ke duma bjang go ka be go le se sengwe seo se ka diregago!

⁹⁴ Ka gona ke etše hloko, mošola ka Portland, Oregon, ge segafa sela bošego bjola se kitimela sefaleng, go mpolaya. Ke elelwa kua, se sengwe se diregile, gomme e be e se ka mahlale le gatee. Ka bohlale, nkabe ke tšhabile boka bareri ka moka ba dirile. Eupša, ga se ka tšhaba. Go be go le selo se sengwe; Modimo o be a lokela go pealatša maatla a Gagwe.

⁹⁵ Nako ye nngwe, O rile, “Homolang gomme le tsebe gore Ke nna Modimo.” Ge Kereke e ka no ema botelele go lekanelia. Modimo o tla dira se sengwe se sennyane, gomme ba tla thanthshelwa gohle le go kitima tikologong, ba e dira, le a bona, ba tšwa ka ntle ga thato ya Modimo. Homola.

⁹⁶ Nako ye nngwe O be a eya go bontšha Maatla a Gagwe ka go Lewatle le Lehubedu. O rile, “Lewatle le Lehubedu, o no šišimala.” Gomme O matšhišitše bana ba Gagwe thwi go le kgabola. Go ka reng ge ba ka be ba retologile go dikologa, ba re, “A re e direng gape, Morena”? E ka be e se ya direga. Ka kgonthe aowa.

⁹⁷ Nako ye nngwe O be a hloka nako ye nnyane go lwa ntwa go kgabola. Modimo o nno dira letšatši go šišimala, mošola, go šetša se A yago go se dira. Ya. “Bjale, letšatši, o no šišimala, mošola, metsotso e se mekae. Ke ya go le bontšha se sengwe.” Bjale go ka reng ge, letšatši la go latela, Joshua a re, “Letšatši, šišimala”? Le

be le ka se e dire. Modimo o be a eya go dira se sengwe. O be a eya go fa bohlatse go Maatla a Gagwe. Lentšu la Gagwe, Yena ke Ramaatlakamoka, gomme O fa bohlatse go Lona.

⁹⁸ Nako ye nngwe, go be go le monna wa sefolu a etla ntle go tšwa Jeriko. Gomme ge Jesu a fetile go kgabola, monna wa sefolu o goeleditše, “Nkgaogele!” Gomme Beibele e rile, “Gomme Jesu o eme tse, o rile, ‘Mo tlišeng fa.’” Oo, nna! Kriste o eme tse, gobane Modimo o be a eya go Mo šomiša go bontšha Maatla a Gagwe.

⁹⁹ Go ka no ba go bile le banna ba go foufala ba lekgolo tlase tseleng; ga ke tsebe. Mohlomongwe moprista o re, “Etla mo motsotso! Ke Wena mang Yo a tsošišego bahu? Tsoša . . . Re na le serapa sa mabitla se tletše bona. Re kwele gore O tsošiše Latsaro.” Eupša, Modimo o be a tiišetša Bomesia bja Gagwe. Seo ke se A bego a se dira. Nneta.

¹⁰⁰ Bjale, ka mehla ke be ke makala se se diregago. Eupša go ne lefelo le banna ba ka kgonago go phela, kgauswi kudu, ka Bogoneng bja Modimo, ga se ka kgetho ya gago, ke ka kgetho ya Modimo, gore o phela ka lefelong leo, go moo mahlale a gago mong a se nago selo go dira le yona.

¹⁰¹ Tlase ka Afrika Borwa, ke hlohlilwe ke sehlopha sa dingakabalo. Gomme go emeng fale, yo mongwe magareng ga tasene goba bontši, gomme bona ba leka go lahlela malopo go nna. Eupša Modimo o nno ba dira ba eme tse gomme ba šetša Letago la Modimo go bušetša pono, le bofou, dilo go batho ba ba tlaišegago.

¹⁰² Mošola ka Karlsruhe, Jeremeane, morago ga sekgalela se sengwe ge ramemoya a etla ntle, go . . . ba nyakile go nganga le nna, ka hoteleng. Monna o ga se a ba dumelele go tla ka gare. Ba rile, “Re tla lahlela malopo go kopano yela morago ga sekgalela se gomme go ka se be le o tee a tlago . . .” Aowa, ba rile, “Re tla e fofiša, ka ledimo.” Gomme lefaufau le be le no ba le lebotse le go phadima. Eupša ge re fihla godimo kua le go no thoma go opela, godimo go tlie ledimo le legolo la maatla. Go be go le e ka ba masomepedi ka lehlakoreng le tee la ka, gomme masomepedi ka go le lengwe. Gomme bohole ba be ba eya go kgabola makatika a bona le go ripa mafofa a bona ka dikero, le go ya go kgabola dilo boka tše, go lahlela malopo. Gomme, ka pelapela, tente yela ye kgolo ya dikete tše masometharo e thoma go roromela le go šikinyega, gomme diphefo di a foka. Gomme ke be ke rera. Gomme Sengwe se rile, “Šišimala.”

¹⁰³ *Haleluya!* Ga ke re ntshwareleng. Seo se ra, “Tumišang Modimo wa rena!”

¹⁰⁴ Gomme Modimo o dirile ledimo lela go šišimala, go sepelela morago, go bona ditumišo tša Modimo, moo e ka bago disoulo tše dikete tše masomenne, mosegare le bošego bjola, di swieletšwe ka go Mmušo wa Modimo, ka wona. “Šišimalang.” Yeo ke nneta. O fa bohlatse.

¹⁰⁵ Mošola ka Sweden goba Switzerland... Gabotse, fa, ke tla re, godimo ka Finland, letšatši le lengwe, mošemane yo monnyane wa go hwa o be a robetše ka thoko ga tsela, sefatanaga se be se mo thutše, se šilagantše mmele wa gagwe wo monnyane diripana. O be a robegile bjalo go fihla leoto la gagwe ebile le be le šwahlide lesokising la gagwe. Koloi ya kitimela godimo ga gagwe gomme ya mo šilaganya, bjalo ka lešela ka mokgwa woo, gomme ya mo ragela godimodimo ka moyeng le go mo lahlela go kgabaganya tsela. Mahlo a gagwe a be a kokomogetše ntle. Molomo wa gagwe o be o bulegile. Leleme la gagwe le be le lekeletše ntle gomme madi a kitima go tšwa ditsebeng tša gagwe. Eupša, mengwaga ye mebedi pele fale, Modimo o be a bontšitše pono ya yona. Gomme ke be ke sepeletše godimo ka bošilo, gomme ka lebelela ngwana; ka sepela go tloga, ke lla.

¹⁰⁶ Gomme Morena, goba yo mongwe, wa kagodimogatlhago, ba beile diatla tša bona godimo ga legetla la ka. O rile, "A yoo ga se mošemane Ke go laeditšego?" Oo, a maikutlo!

¹⁰⁷ Fale go eme ratoropo wa toropokgolo, Monna Mogolo, o a bitšwe, gomme ba bantsi ba eme kgauswi. Gomme Modimo o bile le bona go šišimala, gore A kgone go bontšha Maatla a Gagwe a maatla go tsoša bahu, go mo tliša morago bophelong gape. "Šišimala." Dumela Modimo, gomme o be hlatse. Lentšu la Gagwe ke la Gosafelego.

¹⁰⁸ E be e le matšatši a se makae a go feta, ge re be re... Go no bona ka fao Modimo a dirago dilo bonolo kudu! Gomme re gakanegile kudu, go fihla re lebelela dilo tše kgolo tše tona. Kgotsafalang ka dilo tše nnyane. Mo šetseng ge A dira mediro ya Gagwe ya letago, ka fao A le šireletšago. O se be o lebeletše kgole godimo ga ntlhora ya se sengwe; lebelela fase mo.

¹⁰⁹ Hlokamelang. Ke thoma go nagana se, gore go a kgonega gore ge monna, boka baapostola, gomme ge o ka kgona go phela kgauswi le Modimo; gomme Modimo, ka mogau wa Gagwe, o šoma ka wena; gore bontši bja Modimo o bo hwetsago, o ba bomodimo bontši. Bontši Bophelo bjo Bosafelego bo tlago ka gare, ke bontši Bo kgoromeletšago bohlale ntle.

¹¹⁰ Bjale, ga ke re go ba lehlanya. Ke ra go ba wa kgonthe, wa go hlapologelwa, modumedi wa go kwagala. Le a bona? E sego sehlopha sa ism, eupša wa go tia ka kgonthe, wa therešo, wa go kwagala, modumedi yo bohlale.

¹¹¹ Gomme bjale šetšang. Ke e bone e šoma. Gomme go nagana gore ge o ka tsena ka go kgomano yela le Modimo, e ba go fihla e se sa le segalontšu sa gago gape. Ga se mogopolu wa gago gape. E ba kgopolo ya Modimo le Segalontšu sa Modimo. O no ba morara, goba, lekala feela, Ke Morara, gomme ke Moya wa Gagwe wo o yago ka gare le go maatlatfatsa. Ge feela o ka itloša tseleng wenamong, O tla e tlatša, gomme gona o ka ba hlatse.

Go no swana le areka ya Noage e be e le hlatse.

¹¹² Boka Jesu a be a le hlatse ya Modimo. O bile go tlala kudu ka Modimo go fihla Yena le Modimo ba be ba le batee. “Modimo o dutše ka go Kriste, a boelanya lefase go Yenamong,” yona Tlhagišo. Mošomo wa monna o bega semelo sa gagwe, Kriste e be e le mošomo wa Modimo, gomme Kriste o tsebagaditše semelo sa Modimo: maikutlo a Gagwe bakeng sa balwetši, tlhologelo ya Gagwe bakeng sa go phološa disoulo, go fihla eibile A file bophelo bja Gagwe Mong. Mošomo wa Modimo . . . Semelo sa Modimo se boletšwe ka go Kriste.

¹¹³ Gomme ge o ka no kgothola dikgopololo tša gago mong tša bohlale, le go fa Modimo tokelo ya tsela, A ka kgona go bega semelo sa Gagwe ka mošomo wa go ineela ga gago. Kgothola. Tloša lefase, tloša dipelaelo tša gago, ka ntle ga tsela. Ge o tlide aletareng go rapelelwa, wa re, “Ke tla ya godimo le go bona ge eba ke tla fola,” Modimo a ka se tsoge a bega mediro ya Gagwe. O swanetše go tloša dikgopololo tša gago mong tseleng, gomme wa Mo dumelela a go tlatše.

¹¹⁴ Bjale, ka tsela ye ke etše dilo tše hloko; boka poo ye ya kgale godimo fa e be e eya go mpolaya nako yela; go swana le wona mobja morago ntle mošola hleng le legora; go swana le dilo tše dingwe tše ntši tše di diregilego; bera ka sethokgweng. Ke go ithuta ga tlhago. Ke se sengwe seo se diregago.

¹¹⁵ Ke bolela se bjale, se swareleng, bjalo ka go ba boitemogelo bja sebele, eupša ke nyaka go le botša gobane ke nako ya sebjalebjale. Yo mongwe o rile, “Oo, gabotse, dilo tsela di diregile morago mo matšatšing a baprofeta. Mo matšatšing . . .” Gabotse, Modimo o be a bontsha mehlala. Eupša a le be le tseba, lehono, Modimo o aga Kereke? O re, “Gabotse, O bile le baprofeta. Ba ile ba swanela go bolela Lentšu la Modimo.” Eupša, O na le Kereke ya Modimo, lehono.

¹¹⁶ Elang hloko, go na le se sengwe se a direga. Ke duma e ka ba nako yohle. Ke be ke tla rata go Modimo gore e be e ka ba nako yohle, eupša ga e dire. E no tla ka thato ya Gagwe.

¹¹⁷ Bjale, matšatši a se makae a go feta, goba e ka ba dibeke tše pedi goba tše tharo tša go feta, ke be ke rapelela batho ka leukimia. Ke be ke rapela le batho, ke letetše pono, ba ba babjago le go tlaišega. Ba bantši ke bego ke ba letile, lebaka la mengwaga.

¹¹⁸ Mohlala, Edith Wright yo monnyane, o golofetše. Ke elelwae ge tatagwe a be a robetše, a ehwa, gomme Modimo o laeditše pono bakeng sa papagwe, le go tlogela Edith a robetše kua.

¹¹⁹ Go na le mosadi yo monnyane, ke—ke a thankoa o sa le ka mo. Mdi. Geiger, go tšwa Fort Wayne, mme yo monnyane wa go lebega go šokiša, mosadi yo moswa. O belege lesea. Gomme lesea le be le le legolo kudu; o be a le yo monnyane kudu, le mo kitimišeditše ka go kankere. Gomme Modimo o mo fodišitše ka kankere. Bjale o nyakile go ba le go robega ga monagano, go tloga

go letšhogo. O ka go menophose. Gomme selo se sennyane sa go šokiša . . . Gomme monnamogatša wa kgonthe wa go botega. Gomme moisa yo monnyane o ile mogohle, a rapela, le go nyaka, le go lla. Gomme nna ke rapelela se sebjalo ka seo.

¹²⁰ Gomme a le a tseba go diregile eng? Ngwanešu Wood morago kua, tatagwe o tlile tlase, Hlatse ya Jehofa. Ngwanešu Wood o be a le Hlatse ya Jehofa. Modimo o hlatseditše le go ipolela Yenamong go yena, ka go fodiša mošemane wa gagwe, Dafida, a golofetše.

¹²¹ Ka gona ngwanabo a tla fase. Gomme ngwanabo o be a phela bophelo bja bohlaswa. Gomme fao Moya wo Mokgethwa wa retologa go dikologa gomme wa mo sola. O bone mosadi yo a bego a getlagetla le yena, gomme o neetše bophelo bja gagwe gomme a dumelela diabolo yo mongwe le yo mongwe go tšwela ka ntle ga gagwe letšatši leo. Gomme o sepela mekgotha bjale le go dira se sengwe le se sengwe a kgonago go direla Modimo, a paka go batho ba gagwe.

¹²² Ka gona, papagwe wa go šokiša wa go tšofala, go botega ka mo a bego a kgona go ba, ka go dikwano tšohle tša gagwe bjalo ka molemi, go ya pele. Gomme ge tatagwe a etla tlase, o be a nnyaka gore ke ye go thea dihlapi le yena, gomme re ile tlase letsheng.

¹²³ Tseleng go theoga, pono e tlile, mosong woo. Gomme O rile, “Letsha le lengwe le le lengwe o le tshelago le moela wo mongwe le wo mongwe wa meetse, e tla ba leraga; go se hlapa. Eupša ge o fihla tlase go Wolf Creek kua, go Dale Hollow,” o rile, “e ya go ba ye botse le bolou. Gomme ga se wa ke wa swara hlapikatse ka meetseng ao, eupša o ya go swara molokoloko wohle wa tšona. Gomme,” o rile, “ba ya go swara e tee goba tše pedi tše nnyane. Gomme ka gona o ya go swara hlapa ye kgolo, le hlapa ya magatlapi. E tla ba ye kgolo, ya mohuta.”

¹²⁴ Ke ile ka retologa go dikologa gomme ka e tsopola go bona. Ke ile ka bogela mahlo a mokgalabje, ge a lebeletše godimo go leba bašemane ba gagwe. Ge re ile tlase fale gomme re tsene ka meetseng . . . Letsha le lengwe le le lengwe le be le leraga, go theoga. Ge re fihla kua, e be e no ba bolou bjalo, e be e tla gobatša mahlo a gago, go nyakile. Gomme re ile ra thea dihlapi, gomme re be re sa kgone go swara paase, kerepolo, goba eng kapa eng. Gomme, ka moka ka pela, ka thoma go swara hlapikatse, gomme ka swara molokoloko wohle wa tšona. Tše dingwe tša tšona, diponto tše tlhano, seripa setee. Gomme dinako tše dingwe tše pedi mothalong o tee, ka kota le lešika. Re ile ra rea dihlapi, gomme ra hwetša molokoloko wa hlapa.

¹²⁵ Gomme mosong wo o latelago, ke ile morago, go rea dihlapi. Ke swere leswafobolou ye tee ye kgolo, e be e le . . . goba ye re e bitšago hlapa ya mpakhbedu, ye kgolokgolo nkilego ka e bona.

¹²⁶ Ka gona, ge monna a etla go nna, Ke rile, “Bjale, mohlomphegi, Beibele e rile, ‘Ge go na le yo motee magareng ga lena yo e lego wa semoya, le moprofeta, gomme se a se bolelago sa tla go phethega, gona mo kweng. Ge se sa . . .’” Gomme ke tšere diprofeto tše nne tša go ikgetha tša Hlatse ya Jehofa le go mmontšha gore ga go le e tee ya tšona e tliego go phethega; ye nngwe le ye nngwe ya tšona e paletšwe. Ke rile, “Bjale go reng ka hlapi?”

¹²⁷ Gomme Modimo o laeditše pono yela, go fetola monna yola le go mo retolla go dikologa, bakeng sa monna yo motee yola, moo go bego go le dikete di robetše, di tlaišega. Ke boikemo bja Ramaatlakamoka Modimo, go le dira le tsebe gore O tsebagatša mediro ya Gagwe ka mošomo wa Gagwe, gomme semelo sa Gagwe se bolelwa ka sa go swana.

¹²⁸ Lebelela mogobeng wa Bethesda. O re, “Seo ga se kwagale bjalo ka Modimo a dira seo.” Lebelelang digole, dihlotša, digole, difofu, ba go omelela, ba letile. Gomme mo go tla Jesu thwi go kgabola kua, diaparo di tletše ka bokwala; gomme a sepelela go monna, gomme a ya go monna yo a bego a kgona go sepela, a dira eng kapa eng a bego a nyaka go e dira, eupša a na le mohuta wa bolwetši bja go se itekanele. Gomme o mo fodišitše, le go tlogela ka moka ga bona ba eme fale. Le a bona? Semelo sa Gagwe. O be a nyaka go laetša Maatla a Gagwe. O be a nyaka go dira selo se sengwe. Ya, lefase le ema tse, go e ela hloko.

¹²⁹ Bjale elang hloko, letšatši pele ga maabane, ge re ile morago. Ke tla morago, kopano ya Indianapolis, gomme ke naganne ke tla swanela go dula feela nakwana ye nnyane, kgole go tloga go batho, go fihla ke bile mohuta wa go khutša, gobane ke tla ba le masomepedi goba masometharo, ka letšatši, go dipoledišanonyakišio tša sephiri, le dipono tšela di etla. Ke be ke no ba go hwa ge ke fihla gae. Ga go yo a tsebago se ke yago go se kgabola godimo ga seo; ga go yo motee. Ga go tsela ya go se hlaloša. Eupša nako yeo Ngwanešu Wood, le ngwanabo le nna, re kitimetše tlase lefelong, le go rea dihlapi gape, bakeng sa mosegare le bošego.

¹³⁰ Gomme morago ga sekglela seo, ke dutše morago kua, Ngwanešu Wood o thoma go bolela ka mokgekolo yo a bego a le wa Anderson church of God, godimo mo, ge ba be ba le ka go khukhušeng ga bona. “Go botse bjang!” O boletše ka fao a bego a fela a tšeona bona bašemane ba bannyane ba Dihlatse tša Jehofa le go ba rata. Gomme Ngwanešu Wood o rile go ngwanabo, Lyle; o rile, “Lyle, a e ka se be ye kgolo bjale, ge re ka ya go hwetša kgaetšedi yola wa kgale le go mo dira a tsebe gore re phološitšwe?”

¹³¹ Bjale, lentšu lela le hweditše go ratwa ke Modimo. Ka morago ga ge ke be ke bolela ka Modimo nako ye telele, eupša lentšu lela le hweditše go ratwa. Bašemane bale ba babedī ba

Dihlatse tša Jehofa, bobedi bja bona banna ba go tšofala, ba nyaka go hwetša mokgekoloko le go mmotša gore ba phološitšwe, barwarre ba babedi.

¹³² Ge ba boletše seo, Moya wa Modimo le boikemo bja Gagwe bja wela godimo ga ka, ke dutše fale ka sekepeng sela. Oo, ke duma ge nkabe ke na le segalontšu, ka tsela ye nngwe, gomme ke be ke tla nweletša seo ka pelong ya batho. Ga se ke kgone go itaola gape nnamong go feta o ka fofela ngwedding; feela ka lentšu lela. Gomme ke rile, “Bašemane, go ne se sengwe se lokelago go direga. Ke phooftolo ye nnyane ya mohuta tsoko. E tla tlišwa bophelong. Go ya go ba bophelo bjo bo kgomaganego le yona. Gomme le tla bo bona thwi go tloga.”

¹³³ Gomme ke naganne, “Bjale ke boletše eng?” Gomme ke thoma go nagana ka dilo tše dingwe. “Ke eng e ntirilego go bolela seo?” Ga go pono. E be e no ba Sengwe se boletše. E be e le eng? E be e se bohlale bja ka; ke be ke sa kgone le go nagana ka selo se sebjalo. E be e le tlase ka fase ga seo. E be e le ka pelong ye Modimo a tlilego ka go yona. O be a dira polelo. Ga se ka ke, le bile ke be ke sa nagane ka selo se sebjalo, gomme Se boletše.

¹³⁴ Ke a nagana fao ke mo Jesu a rilego, “Ge o dumela ka pelong ya gago, gomme wa bolela go mohlare wo, goba go thaba ye. Gomme ka gona wa se belaele, eupša wa dumela gore se o se bolelago se tla go phethega, o tla ba le se o se bolelago.”

¹³⁵ Ntlha ya ka šeo. Fihla lefeleng leo, moo e lego Sengwe ga se wenamong. Ke Sengwe ka godimo ga go fa mabaka ga gago, seo se e bolelago.

¹³⁶ Re ile pele. Go tswaleleng, ke bolela se, Ngwanešu Wood le bona ba dutše fa bjalo ka hlatse, mosong wo o latelago . . .

¹³⁷ Bošegong bjoo, re ile, gomme Morena o re file bošego bjo bogolo bja go rea dihlapi. Ga go yo a tantšego hlapi e ka ba efe . . . Gomme re tantše tše tharo fale, feela mo metsotsong e se mekae, gomme tše tharo di imetše e ka ba diponto tše masomepedi. Gomme re sa tšwa go ba le manti a magolo a hlapi.

¹³⁸ Mosong wo o latelago, re ile morago gomme re be re bea ditšeletši, tše mpsha, mo mothalong, gomme go se hlapi e tee. Go be go fedile. Ke rile, “A re yeng ka go leribeng le lennyane le gomme re khutše metsotso e se mekae, baena. Gomme re tla rea bakeng sa maswafobolou, ka mothalo wa go fofa.”

¹³⁹ Re ile morago godimo fale gomme re be re rea dihlapi bakeng sa maswafobolou, morago ka leribeng le lennyane, ka seketswana sa rena. Gomme nako ye nngwe le ye nngwe, re nno ema botelele go lekanelia, mmotho o be o tla ema. Re be re sa thee dihlapi; re be re bolela ka Modimo.

¹⁴⁰ Gomme Mna. Lyle, yo a lego bjale . . . O ile go kgaetšedi wa gagwe, a leka go mo ntšha ka go Hlatse ya Jehofa. Gomme o

mmoditše, o—o mmoditše o be a theeeditše bodiabolo; gore re be re le bodiabolo.

¹⁴¹ O rile, “Lyle, o tseba bokaonana sela seo. Le dilo tšohle tše di itšego tše.”

¹⁴² Ka gona, Lyle o swere leswafobolou le lennyane, e ka ba ka mokgwa *woo*. Gomme o be a bolela, kafao o dumelitše moisa yo monnyane go metša huku ye kgolo. E ile thwi tlase ka mogodung wa hlapi ye nnyane. Gomme ge a e swere, o be a sa kgone go e goga. Kafao o ile a no e pitletša ka seatleng sa gagwe, a e tatetša go dikologa gomme a gogela dikateng go tšwa go yona. O ile a swanela go ntšhetša huku ye ka ntle ga molomo, gobane ge a ripile huku, e tla . . . hlapi ya go hwa, e ya go hwa go le bjalo. Gomme mantšu šea ao a a boletšego, “Ka kgontha o ragile phušušu, moisa yo monnyane,” gomme a mo lahlela ka meetseng.

¹⁴³ Gomme o nyokanyokile makga a mararo goba a mane, gomme o ile a dikologa go kgabola meetse a bolou, go fihla a fihla fase. O robetše fale feela metsotso e se mekae. Gomme a tla morago godimo, bogodimo bja meetse, gomme a phephesela makga a mararo goba a mane. Diphegwana tša gagwe tše nnyane di otlologetše ntle, ka mokgwa *wola*, e letše ka lehlakore, e tatagane. Gomme lebaka la e ka ba metsotso ye masomepedi, rena re rea dihlapi, o be a šetše a phaphametše morago ka leškeng, morago godimo ka go matlakala tsoko. Gomme ke . . .

¹⁴⁴ Gomme yo mongwe o rile, “Tšona dihlapi tše nnyane ka kgontha di na le difihlolo, di a ja.”

Ke rile, “Ee. Yeo ke nnete.”

¹⁴⁵ Gomme re rile, “Oo, a Modimo ga se yo mogolo!” Gomme Ngwanešu Wood o rile, “Oo, ke ye kgolo kudu, Ngwanešu Branham! Re na le monyetla wa go ba mo le wena.” [Lefelo la go se be le selo godimo ga theipi—Mor.]

¹⁴⁶ “Oo,” ke rile, “o se nagane seo, Ngwanešu Wood. Se,” ke rile, “ga se—ga se thaba ye kgethwa. Ga se lefelo le lekgethwa. Ke Modimo yo mokgethwa. E sego monna yo mokgethwa, eupša Modimo yo mokgethwa.” [Lefelo la go se be le selo godimo ga theipi—Mor.]

¹⁴⁷ Gomme ge re be re sa bolela, Sengwe se sepeletše go nna. O rile, “Ke ya go bontšha Maatla a Ka bjale.” Pele ke tseba se ke bego ke bolela ka sona, Lengwalo lela le tlile monaganong wa ka, “Eng kapa eng o e boletšego, dumela gore go tla tla go phethega, ka pelong ya gago. E bolele, gomme o tla ba le se o se bolelago.” Ke—ke kgona go no nyaka . . . E be e elela go tšwa go nna.

Gomme ke naganne, “Ke eng se yago pele?”

¹⁴⁸ Lyle le Banks ba dutše fale. Re be re rea dihlapi. Ye nnyane, hlapi ya go hwa e be e robetše, e ka ba metsotso ye masomepedi, yohle e tatagane godimo kua, e phaphametše morago ka lefelong; dikateng tša gagwe tše nnyane di lekeletše go tšwa molomong

wa gagwe. Gomme ke lebeletše hlapi yela ye nnyane, gomme kgopolo ya tla go nna, "O rile go batheadihlapi, 'Lahlelang ka lehlakoreng le lengwe la sekepe.' Ba tšere Lentšu la Gagwe. Petro o rile, 'Morena, re theile dihlapi bošego bjhohle, gomme ga se ra tšea selo. Le ge go le bjalo, ka Lentšu la Gago, re tla lahlela lokwa.'" Šeo yona, "Ka Lentšu!"

¹⁴⁹ Sengwe se rile go nna, "Modimo o tseba hlapi. E no bolela Lentšu gomme o šetše se se diregago go hlapi yela."

¹⁵⁰ Ke rile, "Hlapi ye nnyane, Leineng la Jesu Kriste, etla morago bophelong."

¹⁵¹ Gomme Modimo, moahlodi wa potego wa ka, le bona banna ba babedi ba eme fale, hlapi ye nnyane yela e retologile ka lehlakoreng la gagwe gomme ya thutha go tloga fao ka maatla ka fao e bego e kgona go ya, e phela gape. "Bolela Lentšu!" Ramaatlakamoka Modimo, bjalo ka ge ke eme mo pele ga Gagwe ka bogoneng bja sehlopha se le Beibebe ye, o a tseba gore ke therešo.

¹⁵² Ge batho ba ehwa, gomme efela Modimo o bontšhitše Maatla a Gagwe go bale Je- . . . Hlatse tše pedi tša Jehofa, gore Yena ke tsogo le Bophelo, gomme ga go selo eupša se A tsebago ka sona. "Wena bolela, gomme o dumela gore se o se bolelago se tla go phethega, o tla ba le se o se bolelago."

¹⁵³ E be e le eng? Modimo a bontšha Maatla a Gagwe; e sego nna, feela morara . . . goba lekala. O fa lekala mafolofolo go re ke se thibele go hlaboša tšona digalontšu. Ke be ke tla tsoge ka nagana eng ka ye nnyane, hlapi ya go hwa e robetše kua, ge ebile re bile le tšona di ripilwe le go bewa godimo ga lethale? Hlapi ye nnyane yela e lekeletše fale, e robetše fale, e hwile.

¹⁵⁴ Mna. Wood le bona ba dutše thwi mo, ba ntebeletše bjale, hlatse ya seo. Gomme Moya wa Modimo o swietše go theoga go kgabola moedi wola, go fihla le tla nagana Tlhatlogo e be e etla. Ebile, go fihla, Mna. Wood a goeleta gomme a re, "Oo, ke mo go botse go ba mo!" O rile, "Ngwanešu Branham, re thabile kudu go ba mo!" Tlhagišo e nnoši ba bego ba ka kgona go e fa e be e le go nna go beng ngwanabobona. Gomme ke retologile ka pela . . . Gobane, ba bone gore Modimo o ntšhomisitše go bolela bophelo go hlapi.

¹⁵⁵ Gomme, bjale, seo se kwagala bohlanya, eupša yoo ke Modimo wa go swana yo a boletšego bophelo go ophosamo yela e hwilego e robetše ka kua ka jarateng. Yena ke Alefa le Omega, Mathomo le Mafelelo. Yena ke Bophelo, tsogo. Yena ke Maatla, Yena wa kagosafelego. Wa go swana maabane, lehono, le go ya go ile!

¹⁵⁶ Seo se mpha go tseba se, gore letšatši le lengwe, ge bophelo bo tlogile go tšwa go mmelle wo wa go hwa, gomme ke robetše mošola, go le bjalo, ge A na le kgahlego ka go hlapi, ka kgonthe O na le kgahlego ka go nna le lena, ba re lekago go Mo direla.

Gomme letšatši le lengwe la letago O tla tla. E sego lekala, eupša Morara ka Bowona o tla bolela go tšwa motsemošate wa Wona ka Letagong, gomme bao ba robetšego ka go Kriste ba tla tsoga le go ya Bophelong bjo bosafelego.

¹⁵⁷ A maikutlo! Ga go yo motee a ka kgonago go a hlagiša. Ge o bona hlapi ya go hwa e robetše godimo ga meetse, ka dikateng tša gagwe di gogetšwe go kgabola molomo wa gagwe, ka monna wa seatla se segolo yo a pitlelego hlapi, ka mokgwa *wo*, gomme a e tšea gomme a e pitleleditše. Gomme o be o kgona go e kwa e kgeiga, ge a kgeila dikateng go tloga go hlapi. O lahletše moisa yo monnyane ka meetseng. O ile a roromela makga a mane goba a mahlano, gomme a ragaraga, gomme yeo e be e le yona. Go bona moisa yola yo monnyane, feela mo nakwaneng ya go bolela Lentšu lela, [Ngwanešu Branham o thwantšha menwana ya gagwe—Mor.] a ikgelempuiša yenamong morago ka go seemo, a no phela boka a kile a ba, le go thunthela fase go kgabola meetse ale, feela ka maatla ka fao a kgonnego go ya, go ya morago ntle go tšoena dihlapi tša gabu.

¹⁵⁸ Yena ke Modimo. O tsebile hlapi yela e be e le fale. Feel a go swana le ge A tsebile yela e bile le khoine ka molomong wa yona. Go no swana le ge A tsebile ge a ka lahlela... Ge batho bale, ba re... Ka go Mokgethwa Mareka tema ya 5, E boletše gore Jesu o adinngwe sekepe sa Petro fale gomme o ile ntle a rea dihlapi. Bjale, O rile, “Theošetša fase bakeng sa go swara dihlapi.” Ge ba be ba theile, ge... Ebile ba tsebile ba be ba theile dihlapi bošego bjohle gomme ga se ba swara selo. Feel a bjalo ka ge re dirile selo sa go swana, gomme ra se sware selo. Eupša, Modimo o nyakile go bona ge eba ba tla tšea Lentšu la Gagwe, kafao O rile, “Theošetša lokwa bakeng sa go swara dihlapi.” Ge go be go se hlapi fao, go tšea Modimo Lentšung la Gagwe go tla bea tše dingwe fao. Seo ke sohle se bego se le go yona.

¹⁵⁹ Ka gona, Modimo yola wa go swana, ka go semelo sa Gagwe sa go swana seo se bego se le mathomong, ke Modimo yo a swanago ka semelo se se swanago lehono. Ke wa Pele, wa Mafelelo. O a swana maabane, lehono, le go ya go ile. O sa le Modimo.

¹⁶⁰ Kafao, lena ba le lego fa mosong wo, gomme le rapeletšwe, a nke ke le botše se sengwe. Go boneng mabopaki a, gomme Modimo ke hlatse ge eba ke therešo goba aowa, yeo ke nnete, le lebeletše dilo tše kgolo. O leka go lebelela godimo ga se sengwe se segolo godimo fa, ge se le thwi kgauswi le wena. Yeo ke nnete. Yena Modimo yoo a beilego tlala ka soulong ya gago, go tla go rapelelwa, ke yena Modimo wa go swana yoo a filego bophelo go hlapi yela; yena Modimo wa go swana yoo a emišitšego poo yela ka tšhemong; yena Modimo wa go swana yoo a hlabilego segafa sela fale ka bogoneng bja ka; Modimo wa go swana yo a tlišitšego Daniele go tšwa legolong la ditaup; Modimo wa go swana yo a rilego, “Lahlelang molokwa a lena ka lehlakoreng le lengwe le,

gomme le tsee bakeng sa go swara dihlapi.” O a swana maabane, lehono, le go ya go ile.

¹⁶¹ Mediro ya Gagwe e ka se kgone go palelwa. Semelo sa Gagwe se ka se kgone go palelwa. Gomme mediro ya Gagwe e bega semelo sa Gagwe, kafao Yena o tsogile lehono gomme Yena o fa ka magareng ga rena, wa go swana maabane, lehono, le go ya go ile. Gomme re dihlatse tsa semelo sa Gagwe.

¹⁶² Semelo sa Gagwe se mphetotše. Ge se etla go nna, nkile ka ba modiradibe; gomme bjale ke phološitšwe. Nkile ka lahlega; bjale ke hweditšwe. Nkile ka rata dilo tsa lefase; ke e hloile bjale. Nkile ka se tshwenyege ka Modimo; ke a Mo rata bjale. Se sengwe se diregile go nna. Se sengwe se diregile go wena. Ke eng? Ke mošomo wa Modimo o tsebagatša semelo sa Gagwe.

¹⁶³ O a re rata. O ne kgahlego go ditaba tsa gago. O ne kgahlego go phodišo ya gago. O ne kgahlego go soulo ya gago. A o ka se Mo dumelele go ba le tsela ya Gagwe ka bophelong bja gago? O se ke wa Mo kamaka ka lefeela. O a ya, o Mo dumela, gomme Modimo o tla go fa tlhologelo ya pelo ya gago, ka gore ke thato botse ya Gagwe go e dira. O hlologelwa go e dira. Eupša, selo sa yona ke, re hwetša kgakanegokgolo yohle. Emang tse!

¹⁶⁴ E lebelele, e re, “Modimo, seo se ra nna. Ga go kgathale yo a nthapelelago, yo a nthapelelago.” Ga go tsee Oral Roberts, Billy Graham, goba William Branham, goba A. A. Allen. Go tsea Modimo. Yeo ke nnete. Go tsea tumelo ya gago, e kgwapareditše mošola ka go Modimo.

¹⁶⁵ O re, “Modimo, Ke Therešo, gomme fao ke ema ke nnoši.” Gomme a nke yeo e no tswela pele ka *mo*, go fihla e rothela fase ka *mo*, go tloga hlogong ya gago go ya pelong ya gago, go ba . . . le go ba kgonthe, gona e tla šoma. E ka kgona feela go šoma ge e etla pelong.

¹⁶⁶ Morena a le šegofatše bjale, ge re inamiša dihlogo tsa rena. Bea tlhologelo ya gago pelong ya gago. E bee pele ga Modimo, gonabjale, (A o tla e dira?) ge re rapela. Ge e le bakeng sa phološo, ge e le bakeng sa . . . E ka ba eng e lego bakeng sa yona, o e bea pele ga Modimo gonabjale ge re rapela.

Tumelo ya ka e lebelela go Wena,
Wena Kwana ya Khalibari,
Mophološi Mokgethwa;
Bjale nkwe ge ke rapela,
Tloša molato wa ka wohle,
Oo a nke nna go tloga letšatši le
Ke be wa Gago ka moka!

Ge ke gata tsela leswiswi ya bophelo,
Homolang bjale.

Gomme manyami go ntikologa a phatlalala,
 Wena eba Mohlahli wa ka;
 Laela leswiswi go fetoga mosegare,
 Phumula dipoi fo tšohle tša ka,
 Goba o se tsoge wa ntumelela go hlahlatha
 Go tloga go Wena go ya thoko.

¹⁶⁷ Morena wa go šegofala, re ka bolela boka bale ba emego thabeng letšatšing lela, gomme o rile, “Ke mo go botse go rena go ba mo. Gomme re tla aga ditabarenekele tše tharo, ra bea badiša ka go ye nngwe le ye nngwe.” Eupša Segalontšu ka pela se retologile gomme se rile, “Ekwang Yena. Yena ke Morwa wa Ka.” Bjale a re retologeng go tloga go badiša, go tšwa go bo Moshe le bo Eliya, le go tšwa go banna ba bagolo ba lefase, le ge re leboga ka moka ga bona. Eupša, O boletše go rena go Mo kwa.

¹⁶⁸ Gomme Lentšu la Gagwe le boletše se, (e sego lentšu la modiša, ebole le la moebangedi), “Dilo e ka ba dife le di kganyogago, ge le rapela, dumelang le a di amogela, le tla ba le tšona. Ge o ka re go thaba ye, ‘Suthišwa, gomme o lahlelwe ka lewatleng,’ gomme wa se belaele pelong ya gago, eupša wa dumela gore se o se bolelago se tla tla go phethega, o tla ba le se o se bolelago.” E sego ga bohlokwa gore e be nakwana, ebole e be e se nakwana ka Abraham le Sarah.

¹⁶⁹ Eupša O rile, “Ge le dumela gore se le se bolelago se tla tla go phethega, le tla ba le se le se bolelago.” Bjale, Tate, thapelo ya rena še. Re tsee feela bjale. Tšeela dipelo tša rena ka seatleng sa Gago gomme o di pitlaganye ka kgonthe ka lerato, o kgorometše poifo yohle le gosedumele go tšwa go tšona, o di dire lešoba le go se be le selo. Gomme ka gona di tlatše ka pela ka Moya wa Gago, bjalo ke ge sekontiri le motimmu di ile ka arekeng, go thibela poifo le pelaelo go tsoge e tlie dipelong tša rena gape. Gomme re dire ka modirelo wa Gago, gore O ke o tsebagatše semelo sa Gago, go lefase, ka rena, bjalo ka diepistola tše di ngwadilwego di balwago ke batho bohole.

¹⁷⁰ A nke yo mongwe le yo mongwe yo motee yo a bego... a tloditšwe, seo ke se O rilego dirang, a nke ba fodišwe, lehono, go tšwa, motho yo mongwe le yo mongwe, go tloga go bohlokobja leino, go ya go difofu, bahlokofatšwa, goba e ka ba eng e ka bago, a nke tumelo yela e kgwaparetše bjale ka pelong yela e bego e boifa le go kamaka ge e etla ka gare.

¹⁷¹ Gomme, O Modimo, ka mehla ke elelwa... Nnamong, rena banna ba bararo; bjalo ka Petro, Jakobo le Johane ba eme godimo ga Thaba ya Phetogelo gomme ba bone se O se dirilego kua. Re ka se tsoge ra lebala leriba le lennyane lela tlase mošola ka Fanny Creek, ge feela re ne menagano le go gopodišiša. E ka no se re bontši go lefase, eupša ge re bone bokgonatšohle bja Modimo, botlalagohle bja Modimo yo a phelago bo sepelela fase le go ba le kwelobohloko, go lekanela godimo ga motho, go laetsa

Maatla a Gago, go kgabola go tliša hlapi ye nnyane ye e bego e hwile godimo ga meetse, morago bophelong gape, seo se ya thwi ka godimo ga mogononi goba mosedumele. Eupša, ka fao e ngwadišago ka pelong ya Bokriste!

¹⁷² Re a tseba gore O Modimo. O Modimo wa go swana fa ka kamoreng ye mosong wo. Ke bontši gakaakang O tshwenyegago go batho ka kamoreng ye, ya banua le basadi, bjalo ka ge O dira bakeng sa hlapi ye nnyane! Hlapi ye nnyane yela e be e era eng go Wena? Ga go selo; go no bega mošomo wa Gago. Gomme ke a rapela, Modimo, gore O tla tsebagatša mediro ya Gago ka go monna le mosadi yo mongwe le yo mongwe, mošemane le mosetsana, ka fa lehono.

¹⁷³ Ge go ka ba ba bangwe mo, Morena, ba ba sa Go tsebego, bjalo ka Mophološi wa bona, ba se ba be ba itemogela, gomme ba tla nyaka go kgothola pelo tša bona, lehono, go tšwa go dilo tšohle le ditlakala tša lefase, gore O ke o tlatše pelo ya bona ka lerato, bjalo ka ge Noage a dirile areka ka motimmu, Ke a rapela gore O tla ba le bona, ka go metsotsyo ye ya go tšhaba bjale yeo e setšego ka go lenaneo. E fe, Tate, ka Leina la Jesu.

Gomme ge dihlogo tša rena di sa inamišitšwe:

A nke mogau wa Gago wa go huma o fe
Maatla go pelo ya ka ya go fokola,
Hlohleletša phišegelo ya ka;

¹⁷⁴ Bjale, ge o nyaka Kriste, ge ba sa opela, o nyaka go kgothola pelo ya gago, mosong wo, le Modimo go go tšea feela boka o le fale, a o ka phagamišetša seatla sa gago go Yena? E re, "Nkgopole." Modimo a go šegofatše, mohlomphegi. Le wena, mohlomphegi. Wena, kgaetšedi. Wena, ngwanešu. Wena. Yo mongwe gape, godimo go la ka le letona? Phagamiša seatla sa gago. Modimo a go šegofatše, kgaetšedi. Yo mongwe gape e re, "Ke nyaka go kgothola pelo ya ka." Modimo a go šegofatše, kgaetšedi, morago fale.

A nke nna go tloga letšatši le
Ke be wa Gago ka moka!

¹⁷⁵ Yo mongwe gape o nyaka go phagamiša seatla sa bona bjale, feela pele ga thapelo?

¹⁷⁶ Tate, Modimo, O bone seatla se sengwe le se sengwe. Šupa goba seswai, diatla tše lesome di ile godimo. Bjale ba kgotholela ntle dipoiro tšohle tša bona le gosedumele. Bjale ba tleleima Wena bjalo ka yo Motee wa bona wa go lekanelo moka, bjalo ka Moratiwa wa bona, bjalo ka Mophološi wa bona, bjalo ka Mofodiši wa bona. Dipelaelo tšohle le dipoiro, di kganyoga go tšewa go tloga go bona. Ke a rapela gore O tla e fa, Morena, ka mogau wa Gago wo mogolo. A nke e direge feela lehono.

¹⁷⁷ Wena Yo a kgonnego go bolela bophelo go hlapi; wa bolela bophelo go mošemane yo monnyane wa go hwa; wa bolela

bophelo go Elij' Perry a robetše fale, a hwile, gomme diatla tša gagwe di be di fapane; wa bolela bophelo go le lennyane, lesea la go hwa mošola ka Mexico; o boletše bophelo mošola go Latsaro, morago ga go hwa matšatši a mane, ke bontši gakaakang re ka tšeago go ema ga rena, lehono, go Leswika la Lentšu la Gagwe la Gosafelego, gomme ra lebelela ka godimo ga moriti wo wa pelaelo, go Ÿena yoo a rilego, "Ke nna tsogo le Bophelo." A nke tumelo e tsee lefelo la yona la go khutša bjale godimo ga Gagwe, Leswika lela la go tia, Kriste. Gomme a nke ba amogele se sengwe le se sengwe seo ba se kgopetšego. Ekwa dithapelo tša rena ge re rapela Leineng la Kriste. Amene.

Ke a Mo rata, ke a Mo rata
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.

¹⁷⁸ Bjale ge re opela gape, šikinya diatla le yo mongwe kgauswi le wena. E nong go dula go iketla bjale, re... Tirelo ga se ya be ya fela, le a bona.

Ke a Mo rata,
 ...?...

A lefela phološo ya ka
 Godimo ga mohlare wa Khalibari.

¹⁷⁹ O ikwela o pitletšwe ntle? O ikwela bokaone bjale? O ikwela boka...? Lentšu! Ke—ke—ke—ke Madi a go hlwekiša a Morena Jesu, ao a ya thwi pelong, a re hlwekiša go tšwa go sebe sohle le bokgopo.

Gomme a lefela phološo ya ka
 Godimo ga mohlare wa Khalibari.

Bjale, Ngwanešu Neville.



DUMELA GO TŠWA PELONG NST57-0623
(Believe From The Heart)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, June 23, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org